



SULEQATIGIISITSISUT
SAMARBEJDSPARTIET

Nuuk ulloq 09. juuli - 2018

Inatsisartut Suleriaasianni § 37 imm. 1 naapertorlugu Naalackersuisunut apeqqut imaattoq matumuuna saqqummiuppara:

Naalackersuisunut apeqqutit:

1. Naalackersuisut pilersaaruteqarnerlutik danskit inatsisinik atortitsinermut ministereqarfiat itisilerlugu ilisimatissallugu Kalaallit Nunaanni politiit pinerluuteqarsimasunullu mattussivinni sulisut sulinerminni atugaat pillugit aamma taakku sulinerat Danmarkimi sulinerlutik naleqqiullugu sukut immikkoorteqarnerlutik?

2. Naalackersuisut pilersaaruteqarnerlutik Kalaallit Nunaanni politiini ikiaroorartulerisuinut amerlanerusunik aningaasaliisoqarnissaa qinnutigissallugu siunertaralugu immikkoortortami sulisut amerlineqarnissaat?

3. Naalackersuisut pilersaaruteqarnerlutik danskit inatsisinik atortitsinermut ministereqarfianut nassuiaateqarfigissallugu Kalaallit Nunaanni politiit immikkoortortaqaqarfiat sunik ajornartorsiuteqarnerluq kalaallit nunaanni pissutsit immikkuullarissuunerat pissutigalugu?

(Inatsisartuni ilaasortaq Tillie Martinussen, Suleqatigiissitsisut)

Tunngavilersuut:

Takuuk § 37 naapertorlugu apeqqutinnut nr. 80-mut akissumminni Naalackersuisut oqaatigaat danskit Inatsisinik Atortitsinermut Ministeriat Søren Pape Poulsen assap matumap ingerlaneani naapissamaarlugu, tassani Naalackersuisut Kalaallit Nunaanni politiit assigiimmik akissarsiaqartinneqarnissaannut apeqqut qaqqissamaarnerarpaat.

Suleqatigiissitsisut isumaat naapertorlugu Kalaallit Nunaanni sullivittut arlalitsigut immikkoorteqarpoq.

Ilaatigut nunaqarfinni illoqarfinnilu pissutsit pineqarput aamma kalaallit nunaanni politiinut nunami angallanneqartarneq immikkuullarissuuvoq.

Aamma nuunneqartarneq allaaneruvoq taamatullu sakkortuunik pisoqarsimatillugu suliassaqaqarfigissallugu tarnip pissusaannik immikkut ilisimasalinnik oqaloqateqarnissamut periarfissat allaanerupput imaluunniit, suliamut atatillugu sakkortuumik misigisaqarnermi tarnip pissusaannut immikkut ilisimasalinnik katsorsarneqarnissamut periarfissat allaanerupput kiisalu Danmarkimut naleqqiullugu Kalaallit Nunaanni suleqatinik peqateqarnissamut ataatsimooqateqarnissamulluunniit periarfissat aamma allaanerulluinnarput.

Iluuqutaasinnaassagalarpoq danskit inatsisinik atortitsinermut ministeriat tamakkuninnga pissutsinik oqaluttuunneqartuugaluarpat kalaallit nunaanni politiit qanoq sulisarnerat pillugu



SULEQATIGIISITSISUT
SAMARBEJDSPARTIET

paasineqarnerunissaq pillugu - aamma kalaallip nunaanni sulinerup naalagaaffiup sinneqan
sulinermi ajornartorsiutitut naleqqiullugu qanoq allaanerusinnaatiginera pillugu.

Aamma isumaqarpugut Kalaallit Nunaanni politiit naligninnaay immikkut amerlasuunik
artornartunik suliassaqartartut, immikkut suliaqartartut inissisimangikkaluarlutik,
taamaakkaluartoq politiit aqqusinerni angalaartartut aamma nuutsitaagallartartut sulinerminni
naammattoortarpaat suliartornartorpasuit. Danmarkimi politiit naleqqiullutik kisimiillutik
amerlasuutigit imminut toqussimasunut ornigutsinneqartarput, meeqqanut kinguaassiutigit
atornerlunneqarsimasunut, sakkortuumik persuttaasimanernik misigisaqartinneqartarput taamatullu
aallaasersortunut orniguttarput tamatumalu takutippaat Kalaallit Nunaanni sulinerup ajornartorsiutit
"tamakku nassatariinnarai".

Aamma soqutiginarpoq tusassallugu Kalaallit Nunaanni ikiaroorartulerisut pillugit sunik
pilersaaruteqartoqarnerisut, kingullertigit tusarparput tigusarinnegattaarnerit taamaattumik
ikiaroorartunik anngiortumik tikisitsisartut amingaatigineqalersimassapput taartissaallu
piareersimalereersimassapput - aamma siuliminnut tigusarineqareersunut naleqqiullutik
ulorianarneroriaannaasut.

Apeqqutit akeqquneqarput ullut naligninnaasumik sulliviit qulit iluanni.

Inussiarnersumik inuulluaqqusillunga

Tillie Martinussen
Samarbejdspartiet - Suleqatigiissitsisut